

SYSTEMA FIDEI,

SEV TRACTATVS

DE CONCILIO VNIVERSALI,

Vbi tam ex Principijs Scholasticis, quàm Monumentis veterum: præsertim Magni Orbis Magistri *Augustini*, Quidditas & Potestas Concilij, cum singulis vel apicibus de hac re desideratis enucleantur: Diuina Authoritas Scripturarum & Traditionum declaratur.

FIDEI STRUCTVRA DELINEATVR,

Vbi innumera antiqua examinantur.

DISTINCTIO FVNDAMENTALIVM

ET NON FVNDAMENTALIVM

IN REBVS AD FIDEM SPECTANTIBVS,

DISCVTITVR

Abstrusiora quadam ex natura Penetralibus exponuntur, quibus anima humana immortalis asseritur.

SACRVM TRIDENTINVM VINDICATVR.

APPENDIX,

De origine Papatus Romani, & an *Petrus & Paulus* fuerint simul Papæ?

Oportet omnia scripta legere, vt ex omnibus simul, non ex vnico dumtaxat, iudicium de Authoris Fide constitui possit.

Athanas. in Epist. pro Dionys. Episc. Alexandrino.

Authore Reuerendo Admodum P. F. FRANCISCO DAVENPORTO vulgò
A SANCTA CLARA Prouincia Angliæ FF. Minor. Exministro Prouinciali,
olim apud Duacenses Lectore Theologiæ Primario, nunc verò Serenissimæ Regiæ
Magne Britannia à Sacris, &c.

LEODII, Typis IOANNIS TOURNAY Sub signo S. Augustini
Apud Sanctum Dionysium. M. DC. XLVIII.

Superiorum Permissu.



AD LECTOREM.

*Det veniam maculis, quas aut incuria fudit,
Aut humana parum cavit natura.*

Semper etiam recolligat quod rectè docet Seneca: *Veritas in alto latet, & in profundo posita est.* Aristoteles etiam contestatur, quod intellectus noster se habet ad ea quæ in suâ naturâ manifestissima sunt, sicut oculus vespertilionis ad lucem Solis; Si igitur in his abditissimis veritatibus aliquando mei caligant oculi, ignoscat Lector, & piè corrigat.

Vale.

SYSTEMA FIDEI.
QVÆTIONES PROÆMIALES.

CAPVT I.

*In quo sensu intelligendi sunt Theologi dum inuestigant,
an Concilia vniuersalia sint infallibilia.*

1. **H**Æc quæstio necessariò prius examinanda & soluenda est antequam ad vltiora procedamus, nam pleraque dependent ab explicatione huius; imò hoc non posse, & solutionem reliquorum quærere, est aërem verberare, vt rerum connexio demonstrabit. *In hac verò expositione, sit ne veritati consentanea futura oratio nostra, nimirum ipsa veritas planè intelligit, vt humiliter Basilius de Opificio hominum apud Nisenum cap. 22. Ad clariorem procedendi stylum, aliqua sunt supponenda: sed quia rectè monet Philosophus, Polit. lib. 2. cap. 4. Suppositiones quidem sunt pro arbitrio faciendæ, non tamen impossibiles, caueamus ne loco rationabilium, impossibilia supponamus.*

2. Supponendum primò non posse probari à priori, scilicet à causis intrinsicis, Concilia esse infallibilia (efficiens hic coincidit cum materiali, finis est nimis extrinsecus) si sic: vel à materiâ, vel à formâ, vel potius à composito propter materiam & formam, vt homo dicitur risibilis ex formâ, scilicet propter rationabilitatem: dicitur corruptibilis ex materiâ, scilicet propter corpus quod subiicitur: non à materiâ, seu parte materiali Conciliorum, quæ est, tot homines insimul congregati, nam omnes homines totius mundi quocumque modo vel sensu sumantur in ratione hominum, sunt fallibiles, & in suis iudicijs defectibiles: hoc non indiget probatione, vtique ex ipsâ naturâ hominis, cum non sit infinita, certò certius demonstrari potest. Nec con-

ORBIS NOSTRI BRITANNICI EPAMINONDÆ,

Illustrissimo ac Nobilissimo viro studiorum omnium

MÆCENATI

DOMINO KENELMO DIGBEO

ANGLO EQVITI AVRATO, &c.

Ex parte Serenissimæ Reginae nostræ

HENRICÆ MARIAE BORBONICÆ,

Apud INNOCENTIVM DECIMVM

Legationem in vrbe agenti.

VIR ILLVSTRISIME, liceat per compendium varios tuæ Magnitudinis titulos, vnico *Epaminondæ* vocabulo exarare: fuit incertum *Vir* melior, an *Dux* esset: *Iam litterarum studium, jam Philosophiæ doctrina tâta, ut mirabile videretur, vndè tam insignis militiæ scientia homini inter literas nato.* Quam graphicè te delineant hæc eius apud *Iustinum Hist. l. 6. Encomia*, Nemo nescit, vrbi & orbi quippè innotescis.

Ad te igitur in te perplexâ conuolo, historiolum narro, quæ hæc est. Dum diutiùs & diligentius intenderem veteri & seueriori Agricolationi, candidissimæ à natura animæ *Nobilissimi Viri* æterna memoria colèdi, *Francisci Windebauri*, Regi nostro non adeò pridem à *secretis & Consilijs sanctoribus*, de quo inter Senatus & Regni Consulta militante rectè dicitur illud, quod de *Iulio Cæsare* apud *Lucanum lib. 10. Media inter prælia semper*

Stellarum Cæli plagis Superisque vacasse,

Vacauit sanè me conscio Superis & supernis veritatibus,

SYSTEMA FIDEL.

tuam, ne homines cum quibus mihi à pueritiâ in hominum victu fuit summa consensio, in tuo cultu à me dissentire permittas. Amen: utinam certè in eodem spiritus feruore clamare possim quo Dauid: Defectio tenuit me pro peccatoribus derelinquentibus legem tuam.

Omnia & singula Sanctæ Romanæ Ecclesiæ, Ecclesiarum omnium *Matris & Magistræ* censuris, Ordinis etiam mei Prælati respectiue omni qua debeo humilitate & obedientiâ submitto. Doctioribus etiam quibuscumque errores, si quos vel ignoranter vel negligenter docuerim, ex charitate eluendos expono, & vt rei Catholicæ integrum sit, vt scilicet sarta tecta conseruetur (ad quod in toto opere intendi) vt viri docti liberè corrigant, obnixiùs rogo & supplico.

Tò Deò d'ca.

Hanc, Assertionem Originis Diuinæ Summi Pontificatus à R. P. F. FRANCISCO A S. CLARA Ordinis S. Francisci Prouinciæ nostræ Angliæ Patre cõpositam legi, nihilq; in ea quod Fidei Catholicæ aut moribus contrarium sit deprehendi: continet verè fundamenta ex Scripturis & Patribus exprompta, quæ veritatem Catholicam aperiunt: Ideò permitto vt adhibitis ex Concilio Tridentino conditionibus prælo committatur. Actum Gandavi 25. Nouemb. 1646. In cuius rei fidem propria manu subscripsi.

F. PETRVS MARCHANT
Commissarius Generalis.